



factsheet

Ofarecón Sóberin Boordhars

hótiyan: Ochtreliait mazé asédé manuc okkololla

Ofarecón Sóberin Boordhars hoodé íán ki?

Ofarecón Sóberin Boordhars hoodé íán óilde bekanuné doijja baai manúc far goron bon gorioré Ochtreliair boordhar hefaazot goríbolla Ochtreliair córhare militari dioré salade uggwa ofarecón.

Bekanune manúc far goroonor kriminal ham bon goroon ar mosiyotot foijjéde manucé zan átolloi buçot gorí Ochtreliait aito saade únore aito nodibollá Ochtrelia fikirot asé.

Bekanuné doijja baai Ochtreliait manúc loi ahéri buth aiccédé ia tin bosór órgai. Taar baade looti bekanuné Ochtreliait aito saiyéde buth bekkinore dórioré zettu aicce éçe wapes diya giye.

Ochtreliair boordhar hefaazotor kanun ki?

Doijja baai manuc far gorón bon goribollá, doijjammazé manuc no moribollá ar Ochtreliair boordhar hefaazot goribollá Ochtreliaie doromoro entezaam goijjé.

Buçot gorí bíca sara Ochtreliait aito saibodé manuc únore ze decóttu aibó é decót wapes diya zaibo, Ochtreliammaze tai zaiyói nofaribo. Tuañr egana-guctí fuaiñjja-aiñjja kiyó bíca sará buçot uçilé ítara Ochtreliait góli nofaribó.

Kanun íán ki ókkolollá eddoillá né?

Sóhi. buçot gorí bíca sara Ochtreliait ze aito saibó taré ze decóttu aibó é decót wapes diya zaibo. Kanun ían ókkolollá eddoillá: fémili, gura fuain, síra gura fuain, fonna zanede no zanede manuc – kiyólla honoó forók kanun nai.

Dalalor hotá nodójjó, ítara misá hotá hoode...

Ochtreliait aaiyore táibolla fána oi giyóide manucoré dalal okkole misá hotá hoode ían aañra zani. Manuc far gorede dalal okkol óilde hodun kriminal zuune maincór zanor uore azab ané ar ítarar tiña-foisa loi felay.

Dalal ókkole tuañr fuaiñjja-aiñjja egana-guchíre hoibodé Ochtreliait zoon ebbe ahsan, ar kanun iya norom oi zargoi. Ítararé hoibadé misá hotá íin nodóribolla! Sohi bísar habos sara Ochtreliait aaiyore táí nofaribá. Ochtreliair córhare doró kanun hono bodolaiyede eeiñlla nai ar samnottuo nobodolaibo.

Dalal ókkole hoibodé ítaralla dusará kanun asé, ar noóile hoibodé kanun hára bodoli zaiboi. Kanun tuañr fuaiñjja-aiñjja egana-guchílla eddoilla, ítaralla hono duasará nai. Ítararé zaito nodiyó!

Kanunor baare buth loi Octhreliait aitó saibodé ítara honó Octhreliait táí nofaribó. Tũañr fuaiñjja-aañjja egana-gucthíre hoode tiña-foisa borbad dibar agé fíri báfibolla.

Egana-gucthíye Octhreliait aaiyoré táí faribodé keén gori?

Octhreliait aaiyoré táito saadde manuc, ar nooile Octhreliait aaiyoré táito sadde éeiñlla fuaiñjja-aañjja asedé manucóttu monot rahá foribodé Octhreliait aibolla sóhi kanun asé. Kanunor baare aitó sailé tuiñ honoódino Octhreliait táí nofaribá.

Octhreliait Córharor Rifuzi ar Hiumenitherian Furugramor bútoore The Department of Immigration and Border Protection ottu baarkule loi rakíbár ekkada furugram asé. Ei furugramor ham óilde becábecí mosiyotot fori ar honó foñt nodehí manuc zuuné Octhreliaittu modot mager uunor baabote.

Baarkule loi rakíbár furugram noháçedde uune zodicé ham goríbolla Octhreliait aitó saadde óile ítarattu hamor bícalla efelai gora foribo.

Kanun mozin aibar baabote aró becí gori zanibólla Department of Immigration and Border Protection or websait: <http://www.border.gov.au/> eçé zo.